



Broj: 01-156/13
Vareš, 30.05. 2013. godine

Na osnovu člana 17. Zakona o uzurpacijama („Sl.list SRBiH“ – Prečišćen tekst, broj: 6/78, „ Sl.list R BiH“, broj: 21/92 i 13/94) i člana 22. Statuta Općine Vareš – Prečišćen tekst, broj: 01-162/12 od 11.09.2012. godine, Općinsko vijeće Vareš, na 8. sjednici održanoj 30.05. 2013. godine, d o n o s i

R J E Š E N J E

o imenovanju Komisije za povlačenje - obnovu granične linije između šuma i šumskog zemljišta s jedne strane i poljoprivrednog zemljišta s druge strane

I

Imenuje se Komisija za povlačenje i obnovu granične linije između šuma i šumskog zemljišta s jedne strane i poljoprivrednog zemljišta s druge strane, u sastavu:

- | | |
|---------------------------|--|
| 1. Mirčić Mario, | (predstavnik O.V.) predsjednik komisije, |
| 1.2. Ciriković Almir, | „ „ zamjenik predsjednika, |
| 2. Hafizović Edina, | predstavnik PJ „Šumarije“Vareš, član, |
| 2.2.Numić Emsad, | zamjenik „ „ |
| 3. Jusubašić Ešef, | predstavnik PJ „Šumarije“ Olovo, član |
| 3.2. Avdibašić Salem, | „ „ , zamjenik |
| 4. Orozović Dragan, | dipl.ing.poljop., član, |
| 4.2 Radoš Jadranka, | „ „ , zamjenik, |
| 5. Ivan Andrić, | dipl.ing. šumarstva, član |
| 5.2. Jelić Lucija, | dipl.ing. „ „ , zamjenik |
| 6. Alić Mevla, | imovinsko-pravni referent., član, |
| 6.2. Ajanović Maja, | „ „ zamjenik |
| 7. Musa Miralem, | geometar, član |
| 7.2. Herco Hedija, | geometar, zamjenik |
| 8. predstavnik , uzurpant | |

II

Komisija za povlačenje-obnovu granice ima pravo na naknadu .

Naknada iznosi 40,00 KM po članu za svaki započeti dan, a istu snosi lice po čijem je zahtjevu iniciran izlazak Komisije.

**PREDSJEDAVAJUĆI
OPĆINSKOG VIJEĆA**

Zdravko Marošević

O b r a z l o Ź e n j e uz prijedlog rješenja o imenovanju komisije

Na osnovu odredaba člana 17. Zakona o uzurpacijama (prečišćen tekst – „Sl.list SR BiH“, broj 6/78), propisano je da će se prije raspravljanja uzurpacija na terenu izvršiti povlačenje granične linije između šume i šumskog zemljišta, s jedne strane, i poljoprivrednog zemljišta, s druge strane. Određeno je da povlačenje granične linije vrši komisija koju obrazuje skupština opštine, koja o izvršenom povlačenju linije sastavlja zapisnik i izrađuje preglednu skicu, koji se na odgovarajući način stavljaju na uvid zainteresovanim licima, koji u roku od 30. dana od dana stavljanja na uvid mogu dati svoje primjedbe i prijedloge. Skupština opštine bila je dužna razmotriti primjedbe i prijedloge i nakon toga donijeti Odluku o utvrđivanju povučene granične linije. Rokovi za povlačenje granične linije određeni su u skladu sa članom 18. Zakona o uzurpacijama, na osnovu kojih su postojali rokovi za povlačenje granične linije gdje su iste trebale biti povučene do kraja 1980. godine. Na područjima na kome su granične linije povučene, obaveza nadležnih organa je bila da uzurpacije u šumskim kompleksima rasprave do kraja 1982. godine.

Raspravljanje „stare“ uzurpacije uslovljeno je da je na određenom zemljištu povučena granična linija i da bez toga uopće nema uslova za priznavanje uzurpacije.

Na području općine Vareš izvršeno je povlačenje granične linije u rokovima predviđenim Zakonom o uzurpacijama, međutim ostale su mnoge uzurpacije koje ni do danas nisu riješene i ako je zakon jasno odredio rok njihovog rješavanja.

Jedan od razloga u većini slučajeva jeste zaostali neriješeni predmeti, koji datiraju još od 1956. godine koji su arhivirani i ako nisu riješeni iz kojih razloga trenutno organu nisu poznati, dok je jedan broj uzurpacija koji se u upravnom postupku vodi neriješen iz razloga više puta vraćanja na ponovni postupak zbog žalbi i tužbi koje se rješavaju duži niz godina, zatim nepoznavanja lica kao nasljednika umrlih uzurpanata koja su bili stranke u postupku raspravljanja uzurpacija i slično.

Zahtjevi za raspravljanje uzurpacija zemljišta, a prema Zakonu o uzurpacijama, koji nisu do sada riješeni, trebaju biti inicirani od strane šumsko-privrednih preduzeća koja gospodare šumskim zemljištem jer su uzurpirana zemljišta u principu njima na smetnji pravilnom gospodarenju šumskim zemljištem.

Prema mišljenju Federalne uprave za geodetske i imovinsko-pravne poslove, kako je naprijed već navedeno, postojali su jasni rokovi za povlačenje granične linije i to je kraj 1980. godine, međutim sa stanovišta suda, kao nadležnog za rješavanje tužbi u upravnom sporu, a protiv drugostepenih rješenja, smatra se da ukoliko je povučena granična linija na terenu uništena ili oštećena, da je obaveza nadležnog općinskog organa da graničnu liniju na terenu obnovi, ali ne u skladu sa odredbama Uredbe o šumama, već u skladu sa odredbama Zakona o uzurpacijama i da istu može obnoviti Komisija imenovana u skladu sa odredbama člana 17. stav 2. Zakona o uzurpacijama a koju sačinjavaju: predstavnik Skupštine opštine odnosno Općinskog vijeća, predstavnik korisnika zemljišta, po jedan stručnjak iz šumarstva, poljoprivrede, imovinsko-pravnih poslova, katastra i uzurpanata.

Iz navedenih razloga Općinskom vijeću se dostavlja rješenje na usvajanje.

PREDLAGAČ:
OPĆINSKI NAČELNIK
Kovačević Avdija dipl.pravnik